

Reykjavík 29. janúar 2016

**Frá stjórn og kjörstjórn Félags framhaldsskólakennara
Bréf til formanna félagsdeilda Félags framhaldsskólakennara**

Varðandi aðalfundarfulltrúa

Stjórn Félags framhaldsskólakennara hefur ákveðið að efna til aukaaðalfundar, væntanlega í byrjun apríl. Sá fundur er jafnframt ársfundur en er ályktunarbær og getur tekið bindandi ákvarðanir um þau mál sem verða til umfjöllunar á fundinum. Efni fundarins varðar málefni Vísindasjóðs FF og FS skv. nánari dagskrá sem verður send út með formlegu fundarboði.

Skv. 7 grein í lögum Félags framhaldsskólakennara er kjörtímabil aðalfundarfulltrúa allt tímabilið milli reglulegra aðalfunda. Fulltrúar á auka aðalfund félagsins í ár eru því þeir sömu og voru kjörnir fulltrúar í félagsdeildum í aðdraganda aðalfundar vorið 2014.

Því þarf ekki að kjósa sérstaklega fulltrúa á aukaaðalfund félagsins nema ef kjörnir fulltrúar og varamenn eru hættir störfum eða aðrar ástæður koma í veg fyrir að þeir geti sótt aukaaðalfund.

Stjórn og kjörstjórn FF beina því til formanna félagsdeilda í framhaldsskólum að þeir fari yfir meðfylgjandi lista aðalfundarfulltrúa. Hafi forsendur breyst og þörf á að velja nýja aðalfundarfulltrúa er þess óskað að formenn boði í samráði við sínar stjórnir til kjörfunda í sínum deildum til að kjósa fulltrúa á aukaaðalfund FF 2016. Boðað verði til fundar í viðkomandi félagsdeild með 10 daga fyrirvara og nýir fulltrúar kosnir, en samkvæmt 9. gr. laga FF eru fulltrúar á aðalfundi FF kosnir á kjörfundum í félagsdeildum félagsins sem boða skal með tíu daga fyrirvara a.m.k. sex vikum fyrir aðalfund.

Þarf kosningu fulltrúa að vera lokið eigi síðar en 15. febrúar nk. og tilkynning um þá að berast samdægurs til FF á netfangið anna@ki.is. Í tilkynningu þurfa að vera nöfn aðal- og varafulltrúa, heiti skóla, kennitala aðal- og varafulltrúa, netfang, gsm-númer, heimasími og vinnusími. Formenn eru beðnir að bregðast skjótt og vel við þessu erindi.

Fjöldi fulltrúa félagsdeilda á aðalfundi FF er í samræmi við ákvæði 7. greinar laga FF og er byggt á fjölda virkra félagsmanna FF í janúar 2016. Í 7. gr. laga FF segir: „Á aðalfundi eiga sæti og með atkvæðisrétti stjórn, samninganefnd, skólamálanefnd, kjörstjórn FF, einn fulltrúi frá hverri félagsdeild með allt að 50 félagsmenn og einn fulltrúi til viðbótar fyrir hverja byrjaða 50 félagsmenn deildarinnar umfram þá tölu. Kjörtímabil þeirra er á milli reglulegra aðalfunda. Þar sem ekki er starfandi félagsdeild skulu félagsmenn FF á vinnustaðnum kjósa úr sínum hópi fulltrúa skv. nánari ákvörðun kjörstjórnar FF og stjórnar FF, sbr. 9. grein laga félagsins.“

Með kveðju og þakklæti fyrir að liðsinna okkur í þessu máli.

F.h. stjórnar FF
Guðríður Arnardóttir formaður

F.h. kjörstjórnar FF
Lóa Steinunn Kristjánsdóttir

Hér á eftir eru þær greinar úr lögum FF sem liggja til grundvallar kosningum á aðalfund FF

7. gr. Aðalfundur

Aðalfundur Félags framhaldsskólakennara skal haldinn fjórða hvert ár. Halda skal aðalfund félagsins innan sex mánaða fyrir eða eftir þing Kennarasambands Íslands. Aðalfundur hefur æðsta vald í málum félagsins, sbr. þó 24. gr. þessara laga.

Á aðalfundi eiga sæti og með atkvæðisrétti stjórn, samninganefnd, skólamálanefnd, kjörstjórn FF, einn fulltrúi frá hverri félagsdeild með allt að 50 félagsmenn og einn fulltrúi til viðbótar fyrir hverja byrjaða 50 félagsmenn deildarinnar umfram þá tölu. Kjörtímabil þeirra er á milli reglu-legra aðalfunda. Þar sem ekki er starfandi félagsdeild skulu félagsmenn FF á vinnustaðnum kjósa úr sínum hópi fulltrúa skv. nánari ákvörðun kjörstjórnar FF og stjórnar FF, sbr. 9. grein laga félagsins.

Til aðalfundar skal boðað bréflaga með a.m.k. 6 vikna fyrirvara. Tillögur til umfjöllunar á aðal-fundi þurfa að berast stjórn félagsins eigi síðar en 4 vikum fyrir aðalfund, sbr. þó 25. gr. laga félagsins. Aðalfundargögn skulu send út með minnst þriggja vikna fyrirvara. Aðalfundur er lögmætur ef löglega er til hans boðað.

Aðalfundur félagsins er opinn öllum félagsmönnum.

9. gr. Kosning fulltrúa á aðalfund félagsins og á þing Kennarasambands Íslands

Fulltrúar á aðalfund félagsins skulu kosnir á kjörfundum í félagsdeildum FF sem boðaðir eru með minnst 10 daga fyrirvara a.m.k. 6 vikum fyrir aðalfund, sbr. þó 7. grein laga félagsins.

Fulltrúar á þing Kennarasambands Íslands skulu kosnir á kjörfundum í félagsdeildum FF samkvæmt nánari fyrirmælum kjörstjórnar KÍ, stjórnar og kjörstjórnar Félags framhaldsskólakennara. Þar sem ekki er starfandi félagsdeild skulu félagsmenn FF á vinnustaðnum kjósa úr sínum hópi fulltrúa skv. nánari ákvörðun kjörstjórnar FF og stjórnar FF